

**MINISTARSTVO UNUTRAŠNJIH POSLOVA KANTONA SARAJEVO –
UPRAVA POLICIJE, La Benevolencija 16, ID broj: 4200220350146 koju zastupa
policijski komesar, Generalni inspektor policije Nusret Selimović (u daljem tekstu:
Ugovorni organ)**

i

**Fakultet za kriminalistiku, kriminologiju i sigurnosne studije, Univerziteta u
Sarajevu, Zmaja od Bosne 8, ID broj: 4200494560309, kojeg zastupa dekan prof. dr.
Jasmin Ahić, (u daljem tekstu: Davalac usluga)**

Zaključili su:

UGOVOR O NABAVCI USLUGA STRUČNOG USAVRŠAVANJA POLICIJSKIH SLUŽBENIKA

Član 1.

Predmet ovog ugovora je pružanje usluga stručnog usavršavanja policijskih službenika Uprave policije Ministarstva unutrašnjih poslova Kantona Sarajevo.

Član 2.

Pružanje usluga stručnog usavršavanja policijskih službenika se vrši na osnovu provedenog postupka dodjele ugovora za neprioritetne usluge u skladu sa članom 8. Zakona o javnim („Službeni glasnik BiH“ broj: 39/14) i u skladu sa odredbama Pravilnika o postupku dodjele ugovora o uslugama iz Aneksa II dio B Zakona o javnim nabavkama ("Službeni glasnik BiH", broj 66/16), a na osnovu Odluke broj 02-11-4-1054/22 od 14.02.2022. godine.

Sastavni dio ovog ugovora je ponuda Davaoca usluga broj: 01-01-2906/22 od 17.06.2022. godine.

Član 3.

Ukupna ugovorena vrijednost za predmetne usluge iznosi 8.547,01 (osamhiljadapetstotinačetdesetsedam i 01/100) KM bez uključenog PDV-om.

Ukupna ugovorena vrijednost za predmetne usluge iznosi 10.000,00 (desethiljada i 00/100) KM sa uključenim PDV-om.

Cijene su fiksne i ne mogu se mijenjati za vrijeme važenja ovog ugovora.

Član 4.

Usluge stručnog usavršavanja iz člana 1. i 2. ovog ugovora će se izvoditi u prostorijama Davaoca usluga, a u ukupnom trajanju od 10 radnih dana kroz 80 (osamdeset) kontakt sati, od toga:

- Teorijski dio – 32 (tridesetdva) sata
- Praktični dio – 48 (četdesetosam) sati.

Stručno usavršavanje će se održati u periodu od 27.06.2022. godine do 08.07.2022. godine.

Obuku će pohađati ukupno 20 (dvadeset) policijskih službenika.

Član 5.

Usluge stručnog usavršavanja iz člana 1. i 2. ovog ugovora će se izvoditi od strane akademskog osoblja Fakulteta za kriminalistiku, kriminologiju i sigurnosne studije Univerziteta u Sarajevu i stručnjaka iz prakse sa Fakulteta i iz agencija za provedbu zakona, kroz akademski program edukacije „Obrada lica mjesta krivičnog djela“, sačinjen od šest modula:

1. Obrada lica mjesta – generalni pristup;
2. Obrada lica mjesta i postupanje s tragovima biološkog porijekla;
3. Obrada lica mjesta i postupanje s tragovima papilarnih linija;
4. Obrada lica mjesta i postupanje s elektronskim dokazima;
5. Procedure obrade lica mjesta i postupanje sa tragovima vezano za upotrebu vatrenog oružja; i
6. Praktične vježbe.

Član 6.

Ugovorni organ se obavezuje da će Davaocu usluga prethodno, a prije dana početka održavanja, dostaviti spisak policijskih službenika koji će pohađati predmetno stručno usavršavanje.

Između ugovornih strana će se utvrditi koordinatori na organizaciji vršenja predmetnih usluga.

Član 7.

Davalac usluga se obavezuje da će usluge stručnog usavršavanja policijskih službenika izvršiti blagovremeno, u svemu u skladu sa ponudom, koja je sastavni dio ugovora i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršenih usluga.

Ukoliko se konstatuju određeni nedostaci u kvalitetu ili kvantitetu izvršenih usluga sačinjit će se zapisnik o reklamaciji.

Davalac usluga se obavezuje priznati reklamaciju na kvantitet i kvalitet izvršenih usluga, koja će biti propraćena zapisnikom o reklamaciji, uz obavezno navođenje nedostataka izvršene usluge.

Način i rok otklanjanja grešaka bit će utvrđen zapisnikom o reklamaciji.

Član 8.

Po okončanju stručnog usavršavanja Davalac usluga se obavezuje da svim učesnicima – policijskim službenicima dodijeli certifikate.

Član 9.

Davalac usluga je dužan pripremiti izvještaj/zapisnik o kvalitativnom i kvantitativnom prijemu izvršenih predmetnih usluga te ga dostaviti u 2 (dva) primjerka Ugovornom organu, uz fakturu.

Izvještaj/zapisnik o kvalitativnom i kvantitativnom prijemu izvršenih predmetnih usluga potpisuju koordinatori ugovornih strana, u skladu sa članom 6. ovog ugovora.

Usluga će se smatrati uredno izvršenom tek kada bude konstatovano da je izvršena bez primjedbi.

Ugovorni organ se obavezuje da će platiti račun/fakturu za uredno izvršene usluge iz člana 1. i člana 2. ovog ugovora, uz dostavljeni izvještaj/zapisnik o kvalitativnom i kvantitativnom prijemu izvršenih predmetnih usluga Davaocu usluga u roku od 30 (trideset) dana od dana prijema, na tekući račun Davaoca usluga.

Član 10.

Ukoliko Ugovorni organ ocijeni da Davalac usluga nije u stanju kontinuirano i kvalitetno izvršavati preuzete obaveze, odnosno ukoliko ponuđene usluge nisu u skladu sa datom ponudom iz člana 2. ovog ugovora, Ugovorni organ može jednostrano, bez saglasnosti Davaoca usluga, raskinuti ovaj ugovor.

Ugovorni organ zadržava pravo raskida ugovora ukoliko usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Davaoca usluga.

Član 11.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 12.

Sve eventualne nejasnoće nastale po ovom ugovoru, ugovorne strane će rješavati sporazumno. Ukoliko to nije moguće, za sve eventualne sporove nastale po ovom ugovoru nadležan je sud u Sarajevu.

Član 13.

Ugovorne strane su saglasne da se ovaj ugovor zaključi na određeno vrijeme. Ovaj ugovor je zaključen, kada isti potpišu obje ugovorne strane, a počinje važiti od datuma početka održavanja stručnog usavršavanja policijskih službenika 27.06.2022. godine i važi do završetka stručnog usavršavanja i izdavanja certifikata o uspješnom pohađanju.

Član 14.

Ovaj ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2) primjerka.

DAVALAC USLUGA
Fakultet za kriminalistiku,
kriminologiju i sigurnosne studije
Univerziteta u Sarajevu

dekan

Prof. dr. Jasmin Ahić

Broj: 01-03-30d1-1/22
Datum: 24.06.2022. godine

UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Nusret Selimović

Broj: 02-11-4-1054-4/22
Datum: 24.06.2022. godine